

Simba & Nala, 6 mon.



suechet zäme äs nöiis Daheime mit Baukon odr Garte

Liebi Tierfründe

Sorry für'd Störig, abr mir wönnt Dir schnäu öppis verzälle, mir suechet nämlech es nöiis Daheime. Warum? Üses Froueli muess im November i'd Klinik u eventueu cha das länger geh. Damit mir nid ummegschobe wärde, suechet sy für üs es For-Ever-Home. Drum!

Mir sy Gschwüschterti, grad mou 6 Mönnet aut, drum no nid kaschtriert, abr derfür schon zwöi Mou gimpft, gsung u stuberein. Üse Hobbies sy: Schpiue, Schmüsele, Schpiue, Schmüsele. I dere Reiefoug. Bi üs isch immer öppis los. U we nid los isch, denn mache mir öppis los. Mir sy derbi abr ganz lieb u hei chei schlächti Iigeschafte, na ja, mir verrate itze nid, dass mir a'd Pflanze geng. Dört muesch es bitzeli ufpass. Mir sy böidi sähr aahänglech u mönschebezoge. Bi Frömdi sy mir offe u nöigiirig, mir müeset doch wisse, wer Du bisch, u Di beschnuppere. U uusteschte, ob Du guet schpiue chasch. U chräbbele. Das isch mega wichtig! Chomm doch mou verbii, denn sage mir Dir, wie's mit Dini Chräbbele- u Schpiu-Fähichkeite uussieht.

Mir wünsche üs vo Härze liebi Lüt, di wo viu Ziit mit üs verbringe möchte u wo fascht immr öpper dihei isch, der Luscht uf es Schpiui het. Hung u angeri Chatze wönnt mir nid im Daheime, abr sehr gärn Ching, das wär tou. Zum Schpiue u Chunschtschtückli lehre! Mir chenne nur Wohnigshautig mit gsicheretem Baukon, en eigene Garte wär natürlech ou nid z'verachte.

Chönntisch Du üs so öppis biete? U suechsch Du zwöi Familiemitgliedr? Sit Dir e Familie, wo fascht immr öpper dihei isch u wo öppis los isch? Odr bisch Du susch oft dihei, villiicht im Homeoffice? Denn müeset mir üs unbedingt lehre chenne. Mir wohne derziit no z'Worb/BE, zügale aber gärn zu Dir, wo ou immer Du wohnsch. Mäud Di doch bitte ganz gly bi dr Sonja Ball. Sie het sich üs agno u suechet für üs das nöiie Plätzli. Mir fröie üs uf Din Bsuech u sy scho ganz gschpannt !

Dini Zwöi: Simba & Nala



Katze sucht Mensch - Mensch sucht Katze

Sonja Ball

Tel.Nr. 079 333 45 62

kontakt@katze-sucht-mensch.ch